

# AUGLÝSING

## ríkisskattstjóra nr. 4/1995 um skattmat tekjuárið 1994 (framtalsárið 1995).

Með vísan til 2. tl. 74. gr., A-liðs 30. gr. og 116. gr. 1. nr. 75/1981 um tekjuskatt og eignarskatt með áorðnum breytingum hefur ríkisskattstjóri gefið út svofelldar reglur um mat á búpeningi til eignar í árslok 1994, á hlunnindum og öðrum tekjum og frádrætti á tekjuárinu 1994 (framtalsárinu 1995), sem meta þarf til verðs samkvæmt greindum lögum:

### 1.0.0. Búfé til eignar í árslok 1994 (framtalsár 1995)

|                                     |     |        |
|-------------------------------------|-----|--------|
| Mjólkurkýr.....                     | kr. | 58.830 |
| Holdakýr.....                       | "   | 22.410 |
| Kvígur, 1 1/2 árs og eldri.....     | "   | 39.790 |
| Geldneyti og naut.....              | "   | 22.490 |
| Kálfar, yngri en 1/2 árs.....       | "   | 6.670  |
| Ær og sauðir.....                   | "   | 6.430  |
| Hrútar.....                         | "   | 8.660  |
| Gemlingar.....                      | "   | 4.705  |
| Hestar á 14. vetri og eldri.....    | "   | 15.590 |
| Hryssur á 14. vetri og eldri.....   | "   | 15.590 |
| Hestar á 5. - 13. vetri.....        | "   | 27.770 |
| Hryssur á 5. - 13. vetri.....       | "   | 25.000 |
| Tryppi á 2. - 4. vetri.....         | "   | 9.650  |
| Fölöld.....                         | "   | 5.935  |
| Hænsni, eldri en 6 mánaða.....      | "   | 660    |
| Hænsni, yngri en 6 mánaða.....      | "   | 335    |
| Endur.....                          | "   | 730    |
| Gæsir.....                          | "   | 955    |
| Kalkúnar.....                       | "   | 1.155  |
| Geitur.....                         | "   | 4.450  |
| Kiðlingar.....                      | "   | 3.330  |
| Gyltur.....                         | "   | 13.220 |
| Geltir.....                         | "   | 20.310 |
| Grísir, eldri en 1 mánaðar.....     | "   | 4.725  |
| Grísir, yngri en 1 mánaðar.....     | "   | 0      |
| Loðkanínur: Karldýr og kvendýr..... | "   | 2.000  |
| Minkar: Karldýr.....                | "   | 2.770  |
| Kvendýr.....                        | "   | 1.650  |
| Hvolpar.....                        | "   | 0      |
| Refir: Karldýr og kvendýr.....      | "   | 8.720  |
| Hvolpar.....                        | "   | 0      |

Þar sem heimafengnar fóðurbirgðir eru verulega undir meðallagi er heimilt að lækka búfjármat nautgripa, sauðfjár og hrossa til eignar, þó ekki meira en um 10%.

## 2.0.0. Tekna- og hlunnindamat á tekjuárinu 1994 (framtalsárið 1995).

### 2.1.0. Teknamat af landbúnaði.

Allt sem selt er frá búi skal talið með því verði, sem fyrir það fæst. Ef það er greitt í vörum, vinnu eða þjónustu ber að færa greiðslurnar til peningaverðs og telja til tekna með sama verði og fæst fyrir tilsvarendi vörur, vinnu eða þjónustu, sem seldar eru á hverjum stað og tíma.

Verðuppbætur á búsafurðir teljast til tekna þegar þær eru greiddar eða færðar framleiðanda til tekna í reikning hans.

Heimanotaðar búsafurðir (búfjárafurðir, garðávextir, gróðurhúsaafurðir, hlunninda-afrakstur), svo og heimilisiðnað, skal telja til tekna með sama verði og fæst fyrir tilsvarendi afurðir sem seldar eru á hverjum stað og tíma. Verði ekki við markaðsverð miðað, t.d. í þeim hreppum þar sem mjólkursala er lítil eða engin, skal skattstjóri meta verðmæti þeirra til tekna með hliðsjón af notagildi.

Sé söluverð frá framleiðanda hærra en útsöluverð til neytenda vegna niðurgreiðslu á afurðaverði skulu þó þær heimanotuðu afurðir sem svo er ástatt um taldar til tekna á útsöluverði til neytenda.

Mjólk, sem notuð er til búfjárfóðurs, skal þó telja til tekna með hliðsjón af verði á fóðurbæti miðað við fóðureiningar.

Þar sem mjólkurskýrslur eru ekki haldnar skal áætla heimanotað mjólkurmagn.

Matsverð heimanotaðs kjöts af sauðfé sem telja skal til tekna er ákvarðað með hliðsjón af heildsöluverði þessara afurða.

Með hliðsjón af ofangreindum reglum hefur matsverð verið ákveðið á eftirtöldum búsafurðum til heimanotkunar:

#### 2.1.1. Afurðir og uppskera: (Verð án virðisaukaskatts)

|                                                                                  |     |                      |
|----------------------------------------------------------------------------------|-----|----------------------|
| Mjólk þar sem mjólkursala fer fram.....                                          | kr. | 50,05 pr. ltr.       |
| Mjólk þar sem engin mjólkursala fer fram,<br>miðað við 500 l. neyslu á mann..... | "   | 50,05 pr.ltr.        |
| Mjólk til búfjárfóðurs.....                                                      | "   | 16,20 pr. ltr.       |
| Hænuegg (önnur egg hlutfallslega).....                                           | "   | 266,00 pr. kg.       |
| Sauðfjárslátur.....                                                              | "   | 214,00 pr. stk.      |
| Kartöflur til manneldis.....                                                     | "   | 5.845,00 pr. 100 kg. |
| Rófur til manneldis.....                                                         | "   | 5.364,00 pr. 100 kg. |
| Kartöflur og rófur til skepnufóðurs.....                                         | "   | 612,00 pr. 100 kg.   |

2.1.2. *Búfé til frálags (slátur meðtalið):* (Verð án virðisaukaskatts)

|                                                                  |     |        |
|------------------------------------------------------------------|-----|--------|
| Dilkar.....                                                      | kr. | 5.329  |
| Dilkar (lakara kjöt).....                                        | "   | 4.802  |
| Veturgamalt og sauðir.....                                       | "   | 6.771  |
| Geldar ær.....                                                   | "   | 5.792  |
| Mylkar ær og hrútar.....                                         | "   | 3.540  |
| Naut I. og II. fl.....                                           | "   | 46.724 |
| Kýr I. og II. fl.....                                            | "   | 31.143 |
| Kýr III. og IV. fl.....                                          | "   | 21.254 |
| Eldri kálfar og ungneyti metist hlutfallslega<br>miðað við naut. |     |        |
| Ungkálfar.....                                                   | "   | 2.349  |
| Fölöld I. flokkur.....                                           | "   | 9.350  |
| Tryppi I. flokkur.....                                           | "   | 13.215 |
| Hross I. flokkur.....                                            | "   | 14.850 |
| Fölöld II. flokkur.....                                          | "   | 6.680  |
| Tryppi II. flokkur.....                                          | "   | 6.665  |
| Hross II. flokkur.....                                           | "   | 7.285  |
| Hross III. flokkur.....                                          | "   | 3.605  |
| Svín 4 - 6 mánaða.....                                           | "   | 17.740 |

2.1.3. *Veiði og hlunnindi:* (Verð án virðisaukaskatts)

|                    |     |             |
|--------------------|-----|-------------|
| Lax.....           | kr. | 335 pr. kg. |
| Sjóbirtingur.....  | "   | 144 " "     |
| Vatnasilungur..... | "   | 94 " "      |
| Æðardúnn.....      | "   | 22.700 " "  |

2.1.4. *Kindafóður:*

Metast 50 % af fullu eignarmati sauðfjár.

2.2.0. *Hlunnindamöt til tekna:*

2.2.1. *Bifreiðahlunnindi:*

Bifreiðahlunnindi skal meta til tekna í samræmi við þær reglur um staðgreiðslu sem settar eru fram í 2. kafla í Skattmati í staðgreiðslu 1994, sbr. auglýsingu ríkisskattstjóra nr. 3/1994.

2.2.2. *Ókeypis flutningur milli heimilis og vinnustaðar:*

Hlunnindi sem falla undir þennan tölulið skal meta til tekna í samræmi við þær reglur um staðgreiðslu sem settar eru fram í 4. kafla í Skattmati í staðgreiðslu 1994.

### 2.2.3. Fæðishlunnindi. Fæðispeningar.

Fæðishlunnindi skal meta til tekna í samræmi við þær reglur um staðgreiðslu sem settar eru fram í 6. kafla í Skattmati í staðgreiðslu 1994.

Fæðispeningar og fæðisstyrkir teljast til tekna á því verði sem fjárhæðir þeirra segja til um.

### 2.2.4. Húsnæðishlunnindi:

Afnót íbúðarhúsnæðis, orku og fenginn húsaleigustyrk skal meta til tekna í samræmi við þær reglur um staðgreiðslu sem settar eru fram í 7. kafla í Skattmati í staðgreiðslu 1994.

### 2.2.5. Fatnaður:

Einkennisfatnaður sem launagreiðandi lætur launþega í té án endurgjalds skal metinn honum til tekna sem hér segir:

|                 |     |        |
|-----------------|-----|--------|
| Einkennisföt    | kr. | 15.000 |
| Einkennisfrakki | "   | 11.000 |

Fatnað, sem ekki telst einkennisfatnaður, skal telja til tekna á kostnaðarverði.

Eigi skal reikna launamanni til tekna nauðsynlegan hlífðarfatnað sem launagreiðandi afhendir honum til afnota við störf í þágu launagreiðandans. Greiðslur launagreiðanda til launamanns til kaupa á fatnaði skal hins vegar ávallt telja að fullu til tekna.

## 3.0.0. Möt til frádráttar:

### 3.1.0. Frádráttur kostnaðar vegna öflunar ökutækjastyrks.

Frá ökutækjastyrkjum, sem launþegi hefur fært til tekna, skal leyfa sem frádrátt sannanlegan kostnað vegna öflunar þessara tekna.

Því aðeins telst ökutækjakostnaður sannaður að fullnægt sé neðangreindum skilyrðum:

1. Að fram sé lögð á þar til gerðu eyðublaði (ökutækjastyrkur og ökutækjarekstur RSK 3.04), eða á annan jafn fullnægjandi hátt, nákvæm sundurliðun á heildarrekstrarkostnaði ökutækisins, þ.m.t. árleg afskrift bifreiðar sem reiknast kr. 133.355. Árleg afskrift annarra ökutækja en bifreiða reiknast 10% af kaupverði (stofnverði). Afskrift ökutækis sem notað er hluta úr ári reiknast hlutfallslega.
2. Að fram sé lögð á sama eyðublaði og um ræðir í 1, eða á annan jafn fullnægjandi hátt, greinargerð um heildarnotkun ökutækisins á árinu, þannig sundurliðuð:

- a. Akstur til og frá vinnu, en hann telst allur vera í eigin þágu.
- b. Annar akstur í eigin þágu.
- c. Akstur í þágu launagreiðanda.

Til frádráttar skal leyfa þann hluta af heildarrekstrarkostnaði bifreiðarinnar sem svarar til afnota hennar í þágu launagreiðanda, þó að hámarki þá fjárhæð sem kemur út með því að margfalda með kr. 32,97 þá kílómetratölu sem ákvörðuð hefur verið sem akstur í þágu launagreiðanda. Aldrei leyfist þó hærri fjárhæð til frádráttar en talin er til tekna sem ökutækjastyrkur.

Hafi launþegi fengið greiðslu fyrir afnot af eigin bifreið í þágu launagreiðanda síns á árinu 1994, þannig að um hafi verið að ræða endurgreiðslu á kostnaði við rekstur hennar, og sá akstur verið **2000 km. eða minni** þá er fallið frá kröfu um sannanlegan ökutækjakostnað og greinargerð frá launagreiðanda um ástæðu fyrir greiðslu vegna ökutækisins. Þetta er bundið þeim skilyrðum að framteljandi hafi fært akstursdagbók eða akstursskýrslu þar sem skráð hefur verið hver ferð, ekin vegalengd og aksturerindi og að kílómetragjald hafi verið greitt í samræmi við skattmat ríkisskattstjóra á árinu 1994 fyrir hvern ekinn km. skv. akstursdagbók. Gögn varðandi þetta eiga að hafa verið færð reglulega og vera aðgengileg skattyfirvöldum þegar þau óska þess hvort sem er í bókhaldi launagreiðanda eða hjá launþega.

Hafi launamaður fengið greitt svonefnt "sérstakt gjald" eða "torfærugjald" á árinu 1994 fyrir akstur (eigin) ökutækis síns má hann hækka fjárhæð frádráttar, kr. 32,97 (vegið meðaltal), fyrir hvern ekinn km. sem hann fékk greiddan skv. "sérstöku gjaldi" um kr. 5,02 (vegið meðaltal) og skv. "torfærugjaldi" um kr. 15,19 (vegið meðaltal), enda sé gerð fullnægjandi grein fyrir því að forsendur fyrir greiðslu sérstaks gjalds og torfærugjalds séu uppfylltar.

Samkvæmt 3. kafla í Skattmati í staðgreiðslu 1994 var kílómetragjald sem hér segir:

|       |                    |     |               |
|-------|--------------------|-----|---------------|
| Fyrir | 1 - 10.000 km      | kr. | 32,55 pr. km. |
| "     | 10.001 - 20.000 km | "   | 29,10 pr. km. |
| "     | 20.001 - >         | "   | 25,70 pr. km. |

Frá og með 1. júní til loka september breyttist matið þannig vegna breytinga á mati Ferðakostnaðarnefndar:

|       |                    |     |       |
|-------|--------------------|-----|-------|
| Fyrir | 1 - 10.000 km      | kr. | 33,10 |
| "     | 10.001 - 20.000 km | "   | 29,60 |
| "     | 20.001 - >         | "   | 26,10 |

Frá og með 1. október til ársloka breyttist matið þannig vegna breytinga á mati Ferðakostnaðarnefndar:

|       |                    |     |       |
|-------|--------------------|-----|-------|
| Fyrir | 1 - 10.000 km      | kr. | 33,50 |
| "     | 10.001 - 20.000 km | "   | 29,95 |
| "     | 20.001 - >         | "   | 26,45 |

### 3.1.1. Frádráttur á móti fengnum dagpeningum.

Frádráttur frá fengnum dagpeningum byggist á því að skilyrði 2. og 3. mgr. 6. gr. reglugerðar nr. 591/1987, um laun, greiðslur og hlunnindi utan staðgreiðslu, séu uppfyllt. Í 5. kafla í Skattmati í staðgreiðslu 1994 koma fram þær fjárhæðir dagpeninga sem halda má utan staðgreiðslu. Ættu þær að samsvara leyfilegum frádrætti á móti fengnum dagpeningum.

Á Skattmati í staðgreiðslu 1994 urðu þessar breytingar á árinu 1994 varðandi dagpeninga:

1. Yfirskrift kafla 5.2. varð: Dagpeningar innanlands.
2. Kafla 5.4. féll niður.

Breytingar þessar giltu frá og með 1. janúar 1994, sbr. orðsendingu til launagreiðenda nr. 4/1994. Í henni var þó kafla 5.2. ranglega tilgreindur sem kafla 5.3.

Einnig breyttist mat á fjárhæðum dagpeninga samkvæmt köflum 5.1. og 5.2. í staðgreiðslumatinu hinn 1. júní og 1. október 1994 vegna breytinga á mati Ferðakostnaðarnefndar.

Samkvæmt því sem að framan greinir verður mat ríkisskattstjóra á leyfilegum frádrætti frá greiddum dagpeningum vegna ferða launþega á vegum launagreiðanda hans á árinu 1994 sem hér segir:

#### Frádráttur frá dagpeningum innanlands.

| <b>1. janúar - 31. maí</b>                                 | <b>Kr.</b> |
|------------------------------------------------------------|------------|
| Fyrir gistingu og fæði í einn sólarhring .....             | 6.450      |
| Fyrir gistingu í eina nótt .....                           | 3.050      |
| Fyrir fæði hvern heilan dag, minnst 10 tíma ferðalag ..... | 3.400      |
| Fyrir fæði í hálfan dag, minnst 6 tíma ferðalag .....      | 1.700      |
| <b>1. júní - 30. september</b>                             | <b>Kr.</b> |
| Fyrir gistingu og fæði í einn sólarhring .....             | 7.650      |
| Fyrir gistingu í eina nótt .....                           | 4.150      |
| Fyrir fæði hvern heilan dag, minnst 10 tíma ferðalag ..... | 3.500      |
| Fyrir fæði í hálfan dag, minnst 6 tíma ferðalag .....      | 1.750      |
| <b>1. október - 31. desember</b>                           | <b>Kr.</b> |
| Fyrir gistingu og fæði í einn sólarhring .....             | 7.150      |
| Fyrir gistingu í eina nótt .....                           | 3.650      |
| Fyrir fæði hvern heilan dag, minnst 10 tíma ferðalag ..... | 3.500      |
| Fyrir fæði í hálfan dag, minnst 6 tíma ferðalag .....      | 1.750      |

Frádráttur frá greiddum dagpeningum má aldrei vera hærri en fengnum dagpeningum nemur. Frádráttur lækkar um kr. 723 fyrir hvern dag sem dagpeningagreiðslur fara fram yfir 30 daga.

**Frádráttur frá dagpeningum erlendis.**

**1. janúar - 31. maí** **SDR**  
 Almennir dagpeningar: 163

Dagpeningar vegna þjálfunar, náms eða eftirlitsstarfa: 105

**1. júní - 31. október**  
 Almennir dagpeningar:  
 Svíþjóð, New York og Tokyo ..... 161  
 Annars staðar ..... 154

Dagpeningar vegna þjálfunar, náms eða eftirlitsstarfa:  
 Svíþjóð, New York og Tokyo ..... 104  
 Annars staðar ..... 99

Við það skal miða að almennir dagpeningar vegna ferðalaga erlendis skiptist þannig fram til 1. nóvember:

Vegna gistingar ..... 50%  
 Vegna fæðis ..... 35%  
 Vegna annars kostnaðar ..... 15%

**1. nóvember - 31. desember**

| Almennir dagpeningar:   | Gisting | Annað |
|-------------------------|---------|-------|
| Svíþjóð .....           | 84      | 77    |
| New York og Tokyo ..... | 97      | 64    |
| Annars staðar .....     | 71      | 83    |

|                                                        |    |    |
|--------------------------------------------------------|----|----|
| Dagpeningar vegna þjálfunar, náms eða eftirlitsstarfa: |    |    |
| Svíþjóð .....                                          | 54 | 50 |
| New York og Tokyo .....                                | 63 | 41 |
| Annars staðar .....                                    | 46 | 53 |

Hafi gisting launþega verið greidd samkvæmt reikningi frá þriðja aðila er honum heimilt að draga hálfa fjárhæð fullra dagpeninga samkvæmt mati ríkisskattstjóra frá því ferðafé sem honum hefur verið greitt þannig fram til 1. nóvember. Auk þess er honum heimilt að draga fjárhæð sem samsvarar mati ríkisskattstjóra á gistingu í eina nótt frá slíku ferðafé sem greitt var allt fram til 1. nóvember. Frá og með 1. nóvember leiðir af breyttu mati að sú regla á ekki lengur við. Frá þeim tíma má því í slíkum tilvikum aðeins draga “annað” samkvæmt mati hér að framan frá fengnum dagpeningum eða ferðafé.

Frádráttur frá greiddum dagpeningum má aldrei vera hærri en fengnum dagpeningum nemur. Frádráttur lækkar um kr. 723 fyrir hvern dag sem dagpeningagreiðslur fara fram yfir 30 daga.

*3.2.0. Fæðisfrádráttur.**3.2.1. Fæðisfrádráttur hjá launagreiðanda.*

Launagreiðendur sem ekki færa sérreikning yfir fæðiskostnað launþega sinna mega draga frá tekjum sínum af atvinnurekstri eða sjálfstæðri starfsemi kr. 379 fyrir hvern heilan fæðisdag sem þeir láta launþegum sínum í té fæði án endurgjalds. Sama gildir um fæði sem launagreiðandi lætur fjölskyldu launþegans í té án endurgjalds.

*Reykjavík, 3. janúar 1995.*

**Garðar Valdimarsson** ríkisskattstjóri.

Nr. 3.

1. janúar 1995

## AUGLÝSING

**ríkisskattstjóra nr. 1/1995 um skilafresti launaskýrslna o.fl. gagna samkvæmt 92. gr. laga nr. 75/1981 um tekjuskatt og eignarskatt, með síðari breytingum.**

Samkvæmt lokamálgrein 93. gr. nefndra laga hefur skilafrestur eftirtalinna gagna, sem skila ber á árinu 1995 vegna greiðslna o.fl. á árinu 1994, verið ákveðinn sem hér segir:

### **I. Til og með 21. janúar 1995:**

1. Launamiðar ásamt almennum launaframtali.
2. Hlutfjármiðar ásamt samtalningsblaði.
3. Stofnsjóðsmiðar ásamt samtalningsblaði.
4. Bifreiðahlunnindamiðar ásamt samtalningsblaði.

### **II. Til og með 20. febrúar 1995:**

1. Afurða- og innstæðumiðar ásamt samtalningsblaði.
2. Sjávarafurðamiðar ásamt samtalningsblaði.

### **III. Til og með síðasta skiladegi skattframtala 1995, sbr. 1. - 4. mgr. 93. gr. nefndra laga:**

1. Greiðslumiðar yfir hvers konar greiðslur fyrir leigu eða afnot af lausafé, fasteignum og fasteignaréttindum, sbr. 1. og 2. tölulið C-liðar 7. gr. sömu laga.
2. Gögn frá eignarleigufyrirtækjum þar sem fram koma upplýsingar varðandi samninga sem eignarleigufyrirtæki, sbr. II. kafla laga nr. 19/1989, hafa gert og í gildi voru á árinu 1994 vegna fjármögnunarleigu eða kaupleigu á fólksbifreiðum fyrir færri en 9 manns. M.a. skulu koma fram nöfn leigutaka og kennitala, skráningarnúmer bifreiðar, leigutímabil ásamt því verði er eignarleigufyrirtæki greiddi fyrir bifreiðina.

*Reykjavík, 1. janúar 1995.*

**Garðar Valdimarsson** ríkisskattstjóri.